

Misiona mo Auaunaga: O Se Taiala mo Matua po o Tagata e Vaaia [le Faifeautalai] ma Aiga

O le auaunaga faafaifeautalai o se taimi fiafia mo faifeautalai ma o latou aiga. E i ai le matafaioi taua a matua a o lei oo i le taimi, ma i le taimi o le auaunaga faafaifeautalai. O oe o se vaega o le 'au o le a mamanuina se fuafuaga o le misiona mo auaunaga mo lou atalii po o se afafine. E te uuna'ia ma lagolagoina foi lau faifeautalai i le taimi o lana auaunaga.

Fuafuaga a le Misiona mo Auaunaga

E tofu le faifeautalai o auaunaga ma malosiaga ma taleni ia o le a fesoasoani e fausia ai le Ekalesia ma auauna atu ai i fanau a le Atua. O se misiona mo auaunaga faamanuiaina e maua ai avanoa 'anoa o auaunaga ma fesoasoani i faifeautalai ia tuputupu ae ai.

E mafai e faifeautalai ona auauna atu i se tasi pe sili atu foi ni tofitofiga. E masani lava, ona faia faapenei ia tofitofiga:

- E feiloai le tagata ma le epikopo ma talanoa e uiga i avanoa mo misiona. E tataua ona lagona e le epikopo e agavaa le tagata e auauna atu i se misiona. Afai na te lagonaina, e faatumu e le tagata le fomu o le fautuaina atu o le faifeautalai i luga o le initoneti.
- O le a iloiloaina talosaga uma e se tasi o le Korama a Aposetolo e Toasefululua. O le a ia filima'otia pe auauna atu se tagata i se misiona talai po o se misiona mo auaunaga. Ona tauaaoina atu lea e le perofeta o le valaauga e auauna atu ai.
- A uma ona talia e le tagata le valaauga, ona galulue lea o matua ma taitai perisitua ma le taitai misiona mo auaunaga. Latou te sailia tofitofiga e fetau ma gafatia o le faifeautalai. (Tagai i le vaega o i lalo.)
- E talanoa le tagata ma ona matua ma le pule o faatinoga i le nofoaga mo le auaunaga. E mafai foi ona auai faatasi atu ai ma le epikopo. Latou te faia le tonu pe fetau lelei le avanoa.
- E ao ona taufai maua e tagata uma ia lagona lelei e uiga i le tofiga. A latou lagonaina loa, ona ta loa lea i totonu e le taitai o le misiona mo auaunaga le tofiga. E mafai ona tele ni tofitofiga o se faifeautalai o auaunaga.
- O le a iloiloaina e le epikopo ma le peresitene o le siteki ma faamaonia le tofiga ma le faatulagaga o taimi. E saunia se tusi mo le tofiga ma auina atu i le peresitene o le siteki faatasi ai ma le pine a le faifeautalai ma le *Tusitaulima a Faifeautalai o Auaunaga*.
- E mauaina e le peresitene o le siteki le tusi mo le tofiga ma iloiloaina faatasi ma le tagata. Na te iloiloaina foi faatasi ma le tagata le *Tusitaulima a Faifeautalai o Auaunaga* ona vaetofia ai lea o ia o se faifeautalai.



Vaega o le Misiona mo Auaunaga

- Taitai o le misiona mo auaunaga: E galulue ma tagata talosaga, matua, ma pule o faatinoga e filima'oti ai se tofiga e fetau lelei.
- Peresitene o le Siteki: E vaavaaia ma faamaonia ia le faagasologa o le tofiga ua fuafuaina.
- O le tagata poto faapitoa o le misiona mo auaunaga i le siteki (i le mea e valaau i ai): E mafai ona fesoasoani i le taitai o misiona mo auaunaga e asiasi atu i na tagata talosaga ma o latou matua e i totonu o la latou siteki e talanoaina ai tomai, gafatia, ma tofitofiga e ono mafai ona tuu i ai.

- Pule o Faatinoga: E vaavaaia galuega a faifeautalai i aso taitasi. E tuuina atu le taitaiga, lagolago, ma aooga faamasani. E mafai ona talosagaina taitai i le mea e galue ai e fesoasoani i ai.
- O faufautua o atinaega mai le Ekalesia o loo avanoa mo faifeautalai o auaunaga e ala atu i se tagata na faasino mai e le epikopo. E mafai e faufautua o atinaega ona fesoasoani i faifeautalai o auaunaga i le atinaega ma tomai faalematata o se vaega o a latou sini mo se taimi umi.

Lagolagoina o Lau Faifeautalai

Pe a amata ona auauna atu lau faifeautalai, ia lagolagoina o ia i mea nei:

- Lagolago tautupe. E aofia ai i lea tulaga tau faafomai ma nifo, femalagaiga, ma isi tupe faaalu.
- Fautuaga ma le taitaiga. Tuu i lau faifeautalai na te faia faaiuga. Ia mautinoa o au fautuaga e ogatusa ma faatonuga a taitai perisitua ma le pule o faatinoga.
- Se siosiomaga faaleagaga i le aiga.
- Faamalosiua ma le lagolago faaleagaga.
- Fesoasoani i le faatulagaga tusitusia mo aso taitasi.
- Tulitulitatao gaoioiga o aso taitasi.

O loo maua punaoa faaopopo i le [ChurchofJesusChrist.org/service-missionary](https://www.ChurchofJesusChrist.org/service-missionary).

Fesili?

- Faafesootai lou taitai misiona mo auaunaga.
- Asiasi i le [ChurchofJesusChrist.org/service-missionary](https://www.ChurchofJesusChrist.org/service-missionary).
- Vili le Ofisa o le Misiona mo Auaunaga i le Aai o Sate Leki i le 1-801-240-4914 po o le imeli i le support-servicemission@churchofjesuschrist.org.

